

CHIRCHIQ DAVLAT PEDAGOGIKA UNIVERSITETI
HUZURIDAGI ILMIY DARAJALAR BERUVCHI
DSc.03/30.04.2021.PED.82.01 RAQAMLI ILMIY KENGASH
TOSHKENT DAVLAT TEXNIKA UNIVERSITETI

Raximov Minhojiddin Muhammadgʻolib oʻgʻlining 13.00.01-Pedagogika nazariyasi. Pedagogik taʼlimotlar tarixi ixtisosligi boʻyicha **“Oʻzbekistonda iqtidorli bolalar ijodkorligini rivojlantirishning boshqarish texnologiyasi”** mavzusidagi pedagogika fanlari boʻyicha falsafa doktori (PhD) dissertatsiyasi himoyasi Chirchiq davlat pedagogika universiteti huzuridagi ilmiy darajalar beruvchi **DSc.03/30.04.2021.Ped.82.01** raqamli ilmiy kengash majlisi

STENOGRAMMASI

Ilmiy rahbar:
pedagogika fanlari doktori, professor
Musurmanova Aynisa Musurmanovna

**CHIRCHIQ DAVLAT PEDAGOGIKA UNIVERSITETI HUZURIDAGI
ILMIY DARAJALAR BERUVCHI DSc.03/30.04.2021.Ped.82.01 RAQAMLI
ILMIY KENGASH MAJLISINING
STENOGRAMMASI**

Chirchiq sh.

2026 -yil 8-yanvar
soat 14:00

ILMIY KENGASH RAISI

p.f.d., prof.

U.N.XODJAMKULOV

ILMIY KENGASH KOTIBI V.B.:

p.f.d., dotsent

T.T.KAZIYEVA

(Dissertatsiya himoyasi oflayn va onlayn tarzda olib borildi.)

RAIS: Assalomu alaykum, hurmatli Ilmiy kengash a'zolari! Hurmatli mehmonlar! Chirchiq davlat pedagogika universiteti huzuridagi ilmiy darajalar beruvchi DSc.03/30.04.2021.Ped.82.01 raqamli ilmiy kengashning navbatdagi yig'ilishini bugunga rejalashtirganmiz.

O'zbekiston Respublikasi Oliy ta'lim, fan va innovatsiyalar vazirligi huzuridagi Oliy attestatsiya komissiyasi Rayosatining qarori bilan Chirchiq davlat pedagogika universiteti huzuridagi ilmiy darajalar beruvchi DSc.03/30.04.2021.Ped.82.01 raqamli ilmiy kengash a'zolari tarkibi **11** kishidan iborat etib tasdiqlangan.

Bugungi kengash majlisida kengashning **10** ta a'zosidan **5 nafari** oflayn,

5 nafari onlayn tarzda ishtirok etib, ko'rib chiqilayotgan dissertatsiya ixtisosligi bo'yicha **6 nafar** fan doktori (DSc) ishtirok etmoqda.

№	Familiyasi, ismi, otasining ismi	Ilmiy darajasi, kengashdagi ixtisoslik shifri
1.	Xodjamkulov Umid Negmatovich (rais)	Chirchiq davlat pedagogika universiteti, kafedra professori, pedagogika fanlari doktori, professor
2.	Matchonov Sapa Murodovich (rais o'rinbosari)	Chirchiq davlat pedagogika universiteti, kafedra professori, pedagogika fanlari doktori, professor
3.	Kaziyeva Turg'unoy Tursunbayevna (ilmiy kotib)	Andijon davlat pedagogika instituti, kafedra mudiri, pedagogika fanlari doktori, dotsent
4.	Boymetov Botir	Chirchiq davlat pedagogika universiteti,

	Boltaboyevich	kafedra professori, pedagogika fanlari nomzodi, professor
5.	Xurvaliyeva Tarmiza Latipovna	Chirchiq davlat pedagogika universiteti, kafedra professori, pedagogika fanlari doktori, professor
6.	Raxmanova Muqaddas Qaxramonovna	Chirchiq davlat pedagogika universiteti, kafedra mudiri, pedagogika fanlari doktori, professor
7.	Nazarov Nasriddin Atakulovich	Chirchiq davlat pedagogika universiteti, kafedra professori, tarix fanlari doktori, professor
8.	Boboxodjayeva Lobar Gafurdjanovna	Xalqaro Vestminster universiteti, kafedra professori, pedagogika fanlari doktori, dotsent
9.	Ismoilov Temurbek Islomovich	Namangan davlat pedagogika instituti, kafedra professori, pedagogika fanlari doktori, professor
10.	Rajabov Furkat Turakulovich	Chirchiq davlat pedagogika universiteti, fakultet dekani, pedagogika fanlari doktori, dotsent
11.	Davlatova Adiba Raxmatovna	Chirchiq davlat pedagogika universiteti, kafedra professori, filologiya fanlari doktori, professor

Kvorum va mikrokvorum bor. Kengash o‘z ishini boshlash vakolatiga ega. Majlisni ochish bo‘yicha qanday takliflar bo‘ladi? - (Ovozlar: Majlis ochilsin). E’tirozlar bormi? - Yo‘q. Kim ushbu taklifga rozi bo‘lsa, ovoz berishlarini so‘rayman.

- Qarshilar? - Yo‘q. - Betaraflar? - Yo‘q. Bir ovozdan qabul qilindi.

Ilmiy kengash majlisi **OCHIQ** deb e’lon qilinadi.

Kun tartibida: Raximov Minhojiddin Muhammadg‘olib o‘g‘lining 13.00.01-Pedagogika nazariyasi. Pedagogik ta’limotlar tarixi ixtisosligi bo‘yicha “O‘zbekistonda iqtidorli bolalar ijodkorligini rivojlantirishning boshqarish texnologiyasi” mavzusidagi pedagogika fanlari bo‘yicha falsafa doktori (PhD) ilmiy darajasini olish uchun taqdim etilgan dissertatsiya ishining himoyasi.

Mazkur kun tartibi bo‘yicha qanday takliflar bo‘ladi? – (Ovozlar: tasdiqlansin). Ushbu taklif bo‘yicha e’tirozlar bormi? – (Yo‘q). Kim ushbu taklifga rozi bo‘lsa, ovoz berishlarini so‘rayman.

– Qarshilar? – Yo‘q. – Betaraflar? – Yo‘q.

Kun tartibi bir ovozdan qabul qilindi.

Kun tartibiga kiritilgan masalani ko'rib chiqishga o'tamiz.

Raximov Minhojiddin Muhammadg'olib o'g'lining 13.00.01 – Pedagogika nazariyasi. Pedagogik ta'limotlar tarixi ixtisosligi bo'yicha "O'zbekistonda iqtidorli bolalar ijodkorligini rivojlantirishning boshqarish texnologiyasi" mavzusidagi pedagogika fanlari bo'yicha falsafa doktori (PhD) ilmiy darajasini olish uchun taqdim etilgan dissertatsiya ishining himoyasi.

Falsafa doktori (PhD) dissertatsiya mavzusi Oliy ta'lim, fan va innovatsiyalar vazirligi huzuridagi Oliy attestatsiya komissiyasida B2022.2.PhD/Ped3427 raqam bilan ro'yxatga olingan.

Dissertatsiya Toshkent davlat texnika universitetida bajarilgan.

Dissertatsiya avtoreferati uch tilda (o'zbek, rus, ingliz (rezyume)) Ilmiy kengashning veb-sahifasida (www.cspi.uz) hamda "ZiyoNet" Axborot-ta'lim portali www.ziyo.net manzillariga joylashtirilgan.

Ilmiy rahbar: **Musurmanova Aynisa Musurmanovna**
pedagogika fanlari doktori, professor

Rasmiy opponentlar: **Xurvaliyeva Tarmiza Latipovna**
pedagogika fanlari doktori, professor

Asqarova O'g'iloy Mamashakirovna
pedagogika fanlari doktori, professor

Yetakchi tashkilot: **O'zbekiston Milliy pedagogika universiteti**

Dissertantning shaxsiy hujjatlariga doir materiallar bilan tanishtirish uchun so'zni kengash kotibi, pedagogika fanlari doktori, dotsent Kaziyeva Turg'unoy Tursunbayevnaga beriladi. Marhamat.

ILMIY KOTIB: Assalomu alaykum, hurmatli Ilmiy kengash a'zolari! Ruxsatingiz bilan talabgorni shaxsiga oid ma'lumot bilan tanishtirib o'tsam.

Raximov Minhojiddin Muhammadg'olib o'g'li, 1991- yil 25- sentabr kuni Samarqand viloyati Pstdarg'om tumanida tug'ilgan.

2009-2013- yillarda Nizomiy nomidagi Toshkent Davlat pedagogika universiteti (bakalavr). 2013-2015- yillarda Nizomiy nomidagi Toshkent Davlat pedagogika universitetining "Geografiya va iqtisodiy bilim asoslari" yo'nalishini tugatdi.

M.M.Raximov dissertatsiya himoya qilish uchun talab etiladigan barcha hujjatlarni kengashga topshirgan.

Dissertatsiya mavzusi bo'yicha jami 15 ta ilmiy ish, 1 ta o'quv qo'llanma O'zbekiston Respublikasi Vazirlar Mahkamasi huzuridagi Oliy attestatsiya

komissiyasining doktorlik dissertatsiyalari asosiy ilmiy natijalarini chop etish tavsiya etilgan ilmiy nashrlarda jumladan, 3 tasi respublika va 5 tasi xorijiy jurnallarda, 5 ta xalqaro hamda 2 ta respublika ilmiy-amaliy anjumanlarida nashr etilgan.

M.M.Raximov oilali. 2 nafar farzandi bor.

M.M.Raximovning dissertatsiya ishi 2025-yil 14-iyun kuni ChDPU huzuridagi DSc.03/30.04.2021.Ped.82.01 raqamli ilmiy kengash qoshidagi 13.00.01-Pedagogika nazariyasi. Pedagogik ta'limotlar tarixi ixtisosligi bo'yicha tuzilgan 7-sonli ilmiy seminarida muhokama qilingan va dissertatsiya ishi tugallangan, dolzarbligi, nazariy va amaliy ahamiyati, bajarilgan ishning hajmi va chop etilgan maqolalar soni bilan pedagogika fanlari bo'yicha falsafa doktori (PhD) dissertatsiyasi uchun qo'yilgan talablarga javob beradi deb hisoblanib, Ilmiy kengashga himoyaga tavsiya etgan.

RAIS: Rahmat. Hurmatli ilmiy kengash a'zolari!

Talabgorning hujjatlari yuzasidan ilmiy kotibga yoki talabgorning o'ziga savollar bormi? - (Kengash a'zolari: savollar yo'q.)

Ma'lumot uchun qabul qilinsin, degan taklif tushayapti. E'tirozlar bormi? - (Yo'q). Kim ushbu taklifga rozi bo'lsa, ovoz berishlarini so'rayman.

- Qarshilar? - Yo'q. - Betaraflar - Yo'q. Qabul qilindi.

Dissertatsiyaning asosiy mazmuni va olingan natijalari bo'yicha so'z talabgor Raximov Minhojiddin Muhammadg'olib o'g'liga beriladi.

Reglament masalasini kelishib olsak. Qanday takliflar bor? – (Kengash a'zolari: nizom asosida). Tadqiqotchiga ma'ruza uchun 15 minut ajratilsin, degan taklif berilyapti.

Opponentlarning chiqishlariga 6 minut va qo'shimcha muhokamalar uchun so'zga chiquvchilarga 2 minutgacha reglament belgilab olsak.

Kim ushbu taklifga rozi bo'lsa, tasdiqlab berishingizni so'rayman.

- Qarshilar? - Yo'q. - Betaraflar? - Yo'q.

RAXIMOV M.M.: (Slaydlar asosida dissertatsiya ishi yuzasidan ilmiy ma'ruza qilindi.)

RAIS: Rahmat. Hurmatli kengash a'zolari! Dissertant dissertatsiyani mazmun mohiyati bo'yicha ma'ruzasini tugatdi. Hurmatli kengash a'zolari savollarga o'tsak. Kimda savollar bor? Marhamat, pedagogika fanlari doktori, dotsent Rajabov Furkat Turakulovich.

p.f.d., dotsent RAJABOV F.T.: Assalomu alaykum, hurmatli ilmiy kengash raisi va kengash a'zolari!

Ma'ruza uchun rahmat. Menda ma'ruzani tinglash mobaynida ikkita savol paydo bo'ldi. Iqtidorli bolalar ijodkorligini boshqarish texnologiyasi haqida gapirdingiz va texnologiyalar taklif qildingiz. Ushbu taklif etilayotgan boshqarish texnologiyasini an'anaviy texnologiyalardan farqini biroz ochib bersangiz. Bu –

birinchi savol.

Ikkinchisi, iqtidorli bolalar ijodkorligini rivojlantirishda raqamli texnologiyalarning o'rnini qanday? Hozir bilamizki, raqamli texnologiyalar har bitta bolalarni, ijodkor bolalarni, hammani qiziqtiradi va ijodini rivojlantirishda uning o'rnini qanday baholaysiz?

RAIS: Savollar tushunarli bo'ldimi? Yozib olishga ulgurdingizmi? (Ha, ulgurdim). Marhamat, javob berishingiz mumkin.

RAXIMOV M.M.: Savolingiz uchun rahmat, Furkat Turakulovich. Birinchi savolga javob beradigan bo'lsam, an'anaviy yondashuvlarda iqtidorli bolalar bilan ishlash ko'proq alohida tadbirlar doirasida olib borilgan, ya'ni shu kungacha. Men taklif qilayotgan texnologiyada esa tahliliy diagnostika, rejalashtirish, amaliy faoliyat ijodkorligini oshirish, monitoring, refleksiyaning yagona tizim sifatida boshqarishni ta'minlashga qaratilgan. Biz bu yerda modulli jadvallar, modellardan foydalandik. Buni taqdimotda ham, jadval asosida ham ko'rsatib o'tdik.

Ikkinchi savolga javob beradigan bo'lsam, raqamli platformalar orqali ijodiy faoliyat natijalarini tahlil qilish, portfoliolar asosida jamlandi va monitoring jarayonlari avtomatlashtirildi. Barcha ishlar oldingi amalga oshirilgan ishlarga nisbatan, hozirgi XXI asrda, albatta, raqamli texnologiyalarsiz buning imkoni yo'q. Biz tomonimizdan amalga oshirilgan jarayonlarni, tadqiqotlarni raqamli texnologiyalarda takomillashtirdik, ko'rsatib o'tdik.

RAIS: Furkat Turakulovich javoblar qoniqarlimi? – (Qoniqarli). Marhamat, yana kimda qanday savollar bor? Marhamat, pedagogika fanlari doktori, professor Matchonov Sapa Murodovich.

p.f.d., prof. MATCHONOV S.M.: Assalomu alaykum, hurmatli ilmiy kengash a'zolari!

Menda ham bir savol bor edi. Sizning tadqiqot ishingiz mavzusi sifatida, iqtidorli bolalar, ijod maktablari olingan. Shunday ekan, siz hoyna-hoy, ommaviy maktablar bilan taqqoslab ko'rgan bo'lishingiz kerak. O'rtadagi farq nimalardan iborat bo'ldi?

RAXIMOV M.M.: Savolingiz uchun rahmat, Sapa Murodovich. Juda ham dolzarb savol bo'ldi. Bu mavzuni tanlashimga asosiy turtki bo'lgan masala shu kunga qadar xalq ta'limi (maktabgacha va maktab ta'limi) tizimida olib borilgan ishlar, shuningdek aytishim mumkin, o'zimiz ham shunday maktabda o'qiganmiz, ko'rganmiz. Lekin, Yangi O'zbekistonda Prezident tomonidan yaratilgan maxsus ta'lim muassasalari, ya'ni Prezident, ijod, ixtisoslashtirilgan maktablarda oddiy maktablarga qaraganda bir muncha boshqacharoq ta'lim berishini kuzatdik. Men o'zim ham dars berib ko'rib va anglashim bo'yicha, bunday maktablarda bir sinfda, 28-30 ta o'quvchi emas, bitta sinfda o'quvchi soni ham 12-24 nafarni tashkil qiladi. Ayniqsa, ijodiy muhit mavjud bo'lib ular bilan individual, ya'ni qisqa-qisqa debatlar yoki tet-a-tet bo'lgan suhbatlar orqali bolalarning ichiga kirib

borish mumkin. Hamma bolada iqtidor bor, lekin ustoz bu bilan qanchalik ko'p ishlasagina, uning iqtidorini tashqariga olib chiqishi va uning ijodkorligini yana ham rivojlantirishi mumkinligini angladim. An'anaviy davlat maktablarida sal boshqacharoq, ya'ni umumiy qilib tushuntiriladi, tet-a-tet bo'lgan suhbatlar yoki qandaydir interaktiv usullardan kamroq foydalaniladi. Menimcha, asosiy farq shu yerda, odam soni kamligida va bolalarga ham, o'qituvchilarga ham zamonaviy sharoitlar yaxshi yaratib berilganligida.

p.f.d., prof. MATCHONOV S.M.: Rahmat. Javobingizdan kelib chiqib, ruxsatingiz bilan yana bir savol tug'ildi. Siz tadqiqotingiz davomida bir nechta ijod maktablari bilan muloqotda, aloqada bo'lgan ekansiz. Ularning hammasini boshqarish bir xilda bo'ldimikin yoki har bitta ijod maktabining o'ziga xos yo'nalishi bor ekanmi?

RAXIMOV M.M.: Savolingiz uchun rahmat, ustoz. Tadqiqot ishimizda birinchi Farg'ona viloyatidagi Erkin Vohidov nomidagi ijod maktabini o'rgandik. Bu maktabda asosan ko'pincha e'tiborni ijodkor bolalar, yosh shoirlar, she'r yozishga, badiiy asarlarni ko'proq o'qishga jiddiy e'tibor qaratilgan. Ikkinchi maktabimiz, Halima Xudoyberdiyeva nomidagi maktab bo'lib, Erkin Vohidov nomidagi maktabga qaraganda, bu maktabda o'g'il bolalar soniga qaraganda qiz bolalar soni ko'proqligi, insonlarni, o'quvchilarni kumiri sifatida Halima Xudoyberdiyevaning obrazi oldinga surilganligi va yoshlarda bolaligidan san'atga, she'riyatga, ijodga bo'lgan qiziqishini men o'z ko'zim bilan ko'rdim. Toshkent viloyatidagi ixtisoslashtirilgan maktabni oladigan bo'lsak, u yerda umumiy. Bolalar nafaqat kreativ fikrlaydi, tabiiy fanlarga, aniq fanlarga, balki chet el adabiyotiga, til o'rganishga, misol uchun, matematikaga yo'naltirilgan fanlar bir muncha yuqori. Farqini shunda bildim, Toshkent viloyatidagi maktabda faqatgina ijodkorlik bilan emas, balki bugungi kundagi zamonaviy bilimlar bilan bolalar qamrab olingan va asosiy yana bitta farqi, Toshkent viloyatidagi maktabda savol-javoblar ko'proq har kuni bolalar yangi-yangi savollar bilan maktabga keldi. Ijod maktablarida esa, ko'proq adabiyot, tarjimonlik, ijtimoiy fanlarga qiziqish yuqori. Bunda yoshlar ko'proq tarixga, qaysidir allomalarning ishlariga, hayotiga, va u yashagan davrga qiziqishuni kuzatdim. Albatta, farqi borligini men sezdim. Ixtisoslashtirilgan maktabda ko'proq zamonaviy bilimlarni talab qilyapti yoshlar. Bu narsaga o'zim shaxsan guvoh bo'ldim.

p.f.d., prof. MATCHONOV S.M.: Rahmat. Yana bir savolim bor. Savol shundan iboratki, odatda qaysi davraga tushsang, shu davraning odami bo'lasan, degan gap bor. Mabodo, siz mana shu ijod maktablari bilan shug'ullanish natijasida o'zingizda ham shu ijodkorlikka mayl, rag'bat sezdingizmi?

RAXIMOV M.M.: Savolingiz uchun rahmat, ustoz. Agar shaxsan o'zim haqimda gapiradigan bo'lsam, men o'zim ham san'at sohasida 4 yil tahsil olganman. Respublikadagi Gliyer nomidagi musiqa maktabida 1-sinf

4-sinfgacha men ham tahsil olganman va hozirgi kungacha uyimizda shu fortepiano, ya'ni pianino bilan vaqtimiz bo'lganda chalib, ijro qilib turamiz. O'zim haqimda gapiradigan bo'lsam, men yana bolalarga qo'shilib, davraga tushganimdan keyin, uyga borib bitta solfejioni qaytarishga, ya'ni shu musiqadagi solfejio ohangining notasini takrorlashga. Solfejio fanini yana bir marta qaytadan o'qishga majbur bo'ldim, chunki men yangi bilimlardan qolib ketibman. Shu o'rinda bir jihatni aytishim mumkin, ijod maktabida ishlaganingizdan keyin, albatta, bolalarning, birinchi o'rinda, siz e'tiborini qozona olishingiz kerak. Ijodkor inson bo'lmaganingizdan keyin, ijod maktabida ishlasangiz siz ham o'z ustingizda doimo ishlashingiz zarur. Ixtisoslashgan maktabda ishlagan albatta, yaxshiroq. Ijod qilishga majbur qilarkan bolalarning o'zi. Men bu narsani o'zim shaxsan guvoh bo'ldim va o'zim ham amalda qaytarib, eslab olishga harakat qildim.

p.f.d., prof. MATCHONOV S.M.: Rahmat. Shu savolga bitta izoh aytib ketmoqchi edim. Bu savolni berganim bejiz emas. Sababi, bir paytlar Hamza Imonberdiyev degan bolalar shoiri bor edi, u kishi olamdan o'tib ketdi. Qachon uchrashsak, doim bolalar bilan koptok surib yurar edi. "Hamza, sizga noqulay emasmi, mushtday bolalar bilan chopishib yurish, chang yutib?" desa, u: "Men mana shu bolalar bilan koptok o'ynaganimda ularning nutqini o'rganaman, bir-biriga bo'lgan munosabatini o'rganaman va shularni o'z ijodimda aks ettiraman", - degan edi. Shuni ham nazarda tutib, men sizga shu savolni berdim.

RAIS: Sapa Murodovich javoblar qoniqarlimi? – (Qoniqarli). Marhamat, yana kimda qanday savollar bor? Marhamat, pedagogika fanlari doktori, dotsent Kaziyeva Turg'unoy Tursunbayevna.

p.f.d., dotsent KAZIYEVA T.T.: Menda tadqiqotchiga savolim bor edi.

Birinchi savolim, siz ilmiy tadqiqot ishida iqtidorli bolalar bilan ishlash deb berilgan. Hozirgi kunda iqtidorli bolalar bilan ishlash bo'yicha amalga oshirilgan bir qancha ishlarni ko'rishimiz mumkin. Sizning ishingizda asosan qaysi mezonlar va metodlar asosida ish olib borilgan?

RAXIMOV M.M.: Savolingiz uchun rahmat, Turg'unoy Tursunbayevna. Ilmiy tadqiqot ishimizda, birinchi navbatda, kuzatuv metodi, keyin anketa metodi, suhbat, test, pedagogik tajriba-sinov va matematik statistik tahlillarni amalga oshirdim va shu metodlardan foydalanib, ilmiy asosda baholashga amal qildik va qat'iy mezonlarga tayandik.

RAIS: Turg'unoy Tursunbayevna javoblar qoniqarlimi? – (Qoniqarli). Marhamat, yana kimda qanday savollar bor? Onlayn ishtirok etayotgan kengash a'zolaridan chat orqali savollar yuborilgan ekan. Ilmiy kotibdan ushbu savollarni o'qib berishni so'raymiz.

ILMIY KOTIB.: Pedagogika fanlari doktori, professor Ismoilov Temurbek Islomovich tomonidan yuborilgan savolni o'qib beraman: "Birinchi savol, iqtidorli bola ijodkorligini rivojlantirish uchun qanday boshqaruv texnologiyalari mavjud?

Ikkinchi savol, qo'llab-quvvatlash uchun davlat tomonidan qanday moliyaviy resurslar ajratilmoqda?"

RAIS: Savollar tushunarli bo'ldimi? Yozib olishga ulgurdingizmi? (Ha, ulgurdim) Marhamat, javob berishingiz mumkin.

RAXIMOV M.M.: Savolingiz uchun rahmat, Temurbek Islomovich. Birinchi javob beradigan bo'lsam, an'anaviy va zamonaviy boshqaruv tizimi tahlil qilindi, ilg'or tajribalar mahalliy va xorijiy davlatlardagi boshqaruv tizimi qiyosiy o'rganildi. Ikkinchi savolga javob, O'zbekiston Respublikasi Prezidentining 2016-yil 14-sentyabrdagi "Yoshlarga oid Davlat siyosati to'g'risida"gi O'RQ-406-sonli Qonuni, "Yoshlarni ma'naviy-axloqiy va jismoniy barkamol etib tarbiyalash, ularga ta'lim-tarbiya berish tizimini sifat jihatidan yangi bosqichga ko'tarish chora-tadbirlari to'g'risida" gi 2018-yil 14-avgustdagi PQ-3907-sonli Qarori, O'zbekiston Respublikasi Prezidentining 2018-yil 5-sentyabrdagi "Xalq ta'limini boshqarish tizimini takomillashtirish bo'yicha qo'shimcha chora-tadbirlar to'g'risida" gi PF-5538-sonli Farmoni, 2019-yil 29-apreldagi "O'zbekiston Respublikasi xalq ta'limi tizimini 2030-yilgacha rivojlantirish konsepsiyasini tasdiqlash to'g'risida"gi PF-5712 - sonli, 2020-2025 yillarda ijod maktablari faoliyatini takomillashtirish konsepsiyasi, Vazirlar Mahkamasining "Prezident ta'lim muassasalari agentligi huzuridagi Pedagogik mahorat va xalqaro baholash markazi faoliyatini tashkil etish to'g'risida", 2021-yil 7-dekabrdagi 741-son Qarori, "Prezident ta'lim muassasalari agentligi tizimidagi ixtisoslashtirilgan maktablar tarmog'ini kengaytirish to'g'risida"gi 2022-yil 14-apreldagi PF-106-son Farmoni va sohaga tegishli boshqa me'yoriy-huquqiy hujjatlarda belgilangan. Mazkur hujjatlar shu iqtidorli bolalar uchun, ularning faoliyatini, moddiy jihatdan moliyalashtirishga ham qaratilgan, ya'ni agentlikning ochilishi, agentlikka rahbar sifatida yosh kadrlarning jalb qilinishi va byudjet mablag'lari, undan tashqari Islom taraqqiyot bankidan keladigan investitsiya mablag'larini hamda boshqalar shu ijodkor bolalarga ajratilayotgani yoki yangi qurilayotgan zamonaviy maktablarga yo'naltirilganligi, bu bizga yaqqol misol bo'la oldi.

RAIS: Marhamat, yana kimda qanday savollar bor? Onlayn ishtirok etayotgan kengash a'zolaridan chat orqali savollar yuborilgan ekan. Ilmiy kotibdan ushbu savollarni o'qib berishni so'raymiz.

ILMIY KOTIB.: Pedagogika fanlari doktori, professor Ismoilov Raxmanova Muqaddas Qaxramonovna tomonidan yuborilgan savolni o'qib beraman: "Tadqiqotda ijtimoiy buyurtma qayerda aks etgan? Bu – birinchi savol.

Ikkinchi savol, iqtidor va ijodkorlik tushunchalari nega alohida ajratib ko'rsatdingiz?"

RAXIMOV M.M.: Savolingiz uchun rahmat, Muqaddas Qaxramonovna.

Birinchi savolga javob beradigan bo'lsam, tadqiqotda ijtimoiy buyurtma O'zbekiston Respublikasining ta'lim sohasidagi normativ-huquqiy hujjatlari,

iqtidorli yoshlarni qo'llab-quvvatlashga qaratilgan davlat dasturlari hamda jamiyatning innovatsion rivojlanishiga bo'lgan ehtiyoji orqali asoslandi. Dissertatsiyada ushbu talablar pedagogik modelida, maqsadli komponentida o'z ifodasini topgan.

Ikkinchi savolga javob beradigan bo'lsam, iqtidor shaxsning bu tabiiy, ya'ni tug'ma intellekti, deb hisoblayman. Ijodkorlikni esa o'sha shaxsning salohiyatini amaliy faoliyatdagi namayon bo'lish shakli. Bularni alohida ajratish boshqarish texnologiyasida potensial imkoniyatlarni aniqlash va real ijodiy natijalarni rivojlantirish bosqichlarini aniq belgilashga imkon beradi. Ya'ni, qisqacha yana tushuntiradigan bo'lsam, kimdadir qaysidir sohaga qobiliyat bo'lishi mumkin, lekin iqtidorni oladigan bo'lsak, ijodkorlik ichidagi iqtidorni tashqariga olib chiqqan bilish va uning yana qayta-qayta ishlashini ijodkorlik deb oldik va shuning uchun bu ikkalasi alohida-alohida ajratilgan.

RAIS: Rahmat. Kengash a'zolaridan marhamat yana kimda qanday savollar bor? - (Kengash a'zolari: yetarli). Agar boshqa savollar bo'lmasa, savol-javobni to'xtatsak degan taklif tushyapti. Kimda-kim shunga rozi bo'lsa, munosabat bildiringerlar.

- Qarshilar? - Yo'q. - Betaraflar? - Yo'q. Qabul qilindi.

Tadqiqotchil Raximov Minhojiddin Muhammadg'olib o'g'lining shaxsiy jildida uning ilmiy rahbari pedagogika fanlari doktori, professor Musurmanova Aynisa Musurmanovnaning taqrizi mavjud. Taqriz ijobiy. Agarda qo'shimchalaringiz bo'lsa, marhamat.

p.f.d., prof. MUSURMANOVA A.M.: Assalomu alaykum, hurmatli dissertatsiya kengashi a'zolari va hurmatli mehmonlar!

Hozir Raximov Minhojiddin Muhammadg'olib o'g'lini chiqishlarini ko'rdik. Dissertatsiya bo'yicha qilingan ishlarning natijalari haqida ma'lumotlar taqdim etildi. Shu mavzu nafaqat ilmiy tadqiqot yo'nalishida, balki butun bir respublikamiz miqyosida iqtidorli bolalar masalasi, iqtidorli qizlar masalasi, ularni oqil va oqila qilib tarbiyalash masalasi, ularga ta'lim-tarbiya berish masalasi bo'yicha juda ham ko'p ishlar amalga oshirilyapti. Shuning bilan bir qatorda, Muhtaram Prezidentimizning g'oyalari, aynan Prezidentimizning 25-sentyabr 2016-iyundagi va shu yili 26-dekabrda chiqishlari, fikrlari, g'oyalari, ularning barchasi yoshlarimizni, birinchidan, iqtidorli qilib tarbiyalash, iqtidorli bolalarni jamiyat uchun faol qilib tarbiyalash, ularga kasb o'rgatish, shuning bilan bir qatorda mustahkam bir oilalarni yaratishga intirish masalalari bo'yicha juda ko'p g'oyalari ilgari surilgan. Hozir o'zlaringiz ham yaxshi bilasiz, bizga juda ko'p topshiriqlar berildi. Bu topshiriqlarning ichida aynan iqtidorli yoshlarimizni aniqlash va ularni iqtidorli qilib tarbiyalash masalasiga ham juda katta urg'u berilyapti.

Raximov Minhojiddin Muhammadg'olib o'g'li birinchi marta iqtidorli

bolalar masalalari bo'yicha ilmiy tadqiqot ishlarini olib bordi. Birinchidan, iqtidorli bolalar bilan amalga oshirilgan ishlar bu ilk qadam bo'ldi. Ikkinchidan, bu borada ishlar kelgusida albatta, davom ettiriladi. Sizning barchangizga rahmat, ishlaringizga omad. Barcha ilmiy kengash a'zolaridan ushbu ishni qo'llab-quvvatlashingizni so'rayman. Katta rahmat.

RAIS: Rahmat. Ilmiy seminarning xulosalari, yetakchi tashkilot taqrizi, dissertatsiya va dissertatsiya avtoreferati bo'yicha ilmiy kengashga kelib tushgan taqrizlar bilan tanishtirish uchun so'z navbati ilmiy kotibga beriladi.

ILMIY KOTIB: Yetakchi tashkilot sifatida belgilangan Nizomiy nomidagi O'zbekiston milliy pedagogika universitetining "Pedagogika-psixologiya va inklyuziv ta'lim fakulteti" fakultetining kengaytirilgan qo'shma ilmiy-metodik seminarida 2025-yil 26-dekabrda muhokama etilgan. Ilmiy seminar raisi pedagogika fanlari doktori (DSc), professor F.O.Mirzayeva, taqrizchilar pedagogika fanlari doktori (DSc), professor Sh.S.Shodmonova, pedagogika fanlari doktori (DSc), professor A.Sh.Muxsiyeva. Seminar bayonnomasi Nizomiy nomidagi O'zbekiston milliy pedagogika universiteti ilmiy ishlar va innovatsiyalar bo'yicha prorektor F.A.Alisherov tomonidan tasdiqlangan. Xulosa ijobiy, ayrim kamchiliklar va takliflar berilgan.

1. Dissertatsiyaning kirish qismidagi muammoning o'rganilganlik darajasida ko'plab tadqiqotchilar keltirilgan bo'lib, ushbu olimlarning ayrimlarining fikrlari tadqiqotning asosiy qismiga aks etmagan.

2. Foydalanilgan adabiyotlar ro'yxatini rasmiylashtirishda bir qator texnik jihatdan ko'rib chiqish maqsadga muvofiq.

3. Tadqiqot doirasida olib borilgan tajriba-sinov ishlari tashkiliy qismida keltirilgan ayrim ko'rsatkichlarda chalkashliklar mavjud.

Dissertatsiya avtoreferatiga 13 nafar mutaxassislardan taqrizlar kelib tushgan

1. Latviya Respublikasi Baltiq Xalqaro Akademiyasi professori, Anna Tatarinceva. Taqriz ijobiy.

2. Rossiya Federatsiyasi Akademiyasi professori Abramova Mariya Alekseyevna. Taqriz ijobiy.

3. Akademik A.Kuatbekov nomidagi Qozog'iston xalqlar do'stligi universiteti professori E.O.Omar. Taqriz ijobiy.

4. Navoiy davlat universiteti Xalqaro hamkorlik ishlari bo'yicha prorektori, pedagogika fanlari doktori (DSc), professor D.Narzikulova. Taqriz ijobiy.

5. Termiz davlat universiteti dotsenti, pedagogika fanlari bo'yicha fan doktori X.M.Djumayeva. Taqriz ijobiy.

6. "TIQXMMI" Milliy tadqiqot universiteti p.f.d.(DSc), dotsent D.A.Mustafoyeva. Taqriz ijobiy.

7. Guliston davlat pedagogika universiteti professori, pedagogika fanlari doktori (DSc) B.Raximov. Taqriz ijobiy.

8. A.I.Gerson RDPU Toshkent shahar filiali dotsenti, pedagogika fanlari bo'yicha falsafa doktori (PhD) Sh.S.Sharipova. Taqriz ijobiy.

9. Abdulla Avloniy nomidagi pedagogik mahorat milliy instituti "Pedagogika-psixologiya" kafedrası mudiri p.f.d. (DSc), dotsent M.Ergasheva. Taqriz ijobiy.

10. Guliston davlat pedagogika inistituti pedagogika fanlari bo'yicha falsafa doktori (PhD) D.M.Elmuratova. Taqriz ijobiy.

11. Toshkent iqtisodiyot va texnologiyalar universiteti prorektori i.f.b.f.d (PhD), dotsent B.B.Djo'rayev. Taqriz ijobiy.

12. Toshkent davlat transport univeristeti pedagogika fanlari bo'yicha falsafa doktori (PhD), dostent A.T.Baltayeva. Taqriz ijobiy.

13. Jizzax davlat pedagogika universiteti pedagogika fanlari bo'yicha falsafa doktori (PhD), dostent D.A.Kulboyeva. Taqriz ijobiy.

Attestatsiya ishida maqolalarning, jumladan xorijiy nufuzli ilmiy nashrlarda chop etilishi, ilmiy natijalarning amaliyotga joriy qilinishi va rasmiylashtirilishi, avtoreferatning rasmiylashtirilishi, malakaviy imtihonlarning topshirilgani tegishli normativ-huquqiy hujjatlarga muvofiq amalga oshirilgan.

4 ta ta'limiy natija amaliyotga joriy qilingan:

Amaliyotga joriy etilgan ilmiy natijalar soni	Shundan				
	Ishlab chiqarish sohasi	Boshqaruv faoliyati	Ijtimoiy yo'nalish	Ixtiroga patent	Boshqalar
4			4		

Ilmiy natijalarga jahonning yetakchi ilmiy markazlari va oliy ta'lim muassasalari mutaxassislari tomonidan 13 ta taqriz kelib tushgan:

Kelib tushgan taqrizlar	Shundan				
	MDH	Yevropa davlatlari	Amerika davlatlari	Osiyo davlatlari	Boshqalar
13	2	1			10

Ma'lumot uchun:

OAK veb-saytida e'lon qilingan	2025 yil 19-dekabr
Dissertatsiya himoyasi kuni	08.01.2026 yil

RAIS: Rahmat. Marhamat, yetakchi tashkilot taqrizida ham avtoreferatga kelib tushgan taqrizlarda ko'rsatib o'tilgan kamchiliklarga javob berish uchun so'z talabgorga. Marhamat.

RAXIMOV M.M.: Dissertatsiya ishimizni diqqat bilan o'rganib, yetakchi tashkilot sifatida xulosa bergan O'zbekiston Milliy pedagogika universiteti jamoasiga chuqur minnatdorchiligimizni bildiraman. Shuningdek, ishimizga taqriz bergan barcha oliy ta'lim muassasalari olim va professorlariga ham o'z minnatdorchiligimizni izhor qilamiz. Taqrizda keltirilgan tavsiyalarni kelgusidagi monografik ishlarimizda inobatga olamiz.

RAIS: Rahmat. Hurmatli kengash a'zolari! Endi dissertatsiya ishimizning rasmiy muhokamasiga o'tamiz.

Rahmat. So'z - rasmiy opponent, pedagogika fanlari doktori, professor Xurvaliyeva Tarmiza Latipovnaga beriladi. Marhamat.

p.f.d., prof. XURVALIYEVA T.L.: (Dissertatsiya bo'yicha taqriz o'qib eshittirildi. Taqriz ijobiy, ammo ayrim fikr-mulohazalar ko'rsatib o'tilgan. Taqriz ilova qilinadi).

RAIS: Rahmat. Taqrizda ishning to'liq mazmun-mohiyatini ochib bera oldingiz. Rasmiy opponent taqrizida ko'rsatilgan kamchiliklarga javob berish uchun so'z talabgorga beriladi.

RAXIMOV M.M.: Qimmatli vaqtlarini ayamadan, tadqiqotimizni sinchiklab o'qib, o'z mulohazalarini bildirgan rasmiy opponentim, ustozimiz pedagogika fanlari doktori, professor Xurvaliyeva Tarmiza Latipovnaga cheksiz minnatdorchiligimizni bildiramiz.

Taqrizda ko'rsatib o'tilgan mulohazalarga javob berib o'tmoqchiman.

Birinchi tavsiya bo'yicha, kelgusi ishlarimizda bu masalaga albatta, e'tibor qarammiz.

Ikkinchi tavsiya bo'yicha, ilmiy tadqiqot ishimizda maqsad mexanizmlar bo'lmaganligi sababli, kelgusi ishlarimizda ham bu masalaga e'tibor qaratamiz.

Uchinchi tavsiya bo'yicha, bu masalani ham ko'rib chiqdik. Kelgusidagi monografik ishlarimizda texnologiyalarni alohida ajratib berish masalasini kiritishni rejalashtirganmiz.

To'rtinchi tavsiya bo'yicha, haqiqatan dissertatsiyaning 118, 119-betlarida mashg'ulotlarga tatbiq etilgan va bu holat tabiiy fanlarni o'qitishga xos ekanligini ta'kidlaymiz. Ishning ilovasida ham buni ko'rsatib o'tganmiz, ya'ni berganmiz.

Beshinchi tavsiya bo'yicha, xulosani qisqartirish haqida tavsiyalarni qabul qildik va kelgusi ishlarimizda bu masalaga albatta, e'tibor qaratammiz.

RAIS: Rahmat. Rasmiy opponent, pedagogika fanlari doktori, professor Asqarova O'g'iloy Mamashakirovnaga beriladi. Marhamat.

p.f.d., prof. ASQAROVA O'M.: (Dissertatsiya bo'yicha taqriz o'qib eshittirildi. Taqriz ijobiy, ammo ayrim fikr-mulohazalar ko'rsatib o'tilgan. Taqriz ilova qilinadi).

RAIS: Rahmat. Rasmiy opponent taqrizida ko'rsatilgan kamchiliklarga javob berish uchun so'z talabgorga beriladi.

RAXIMOV M.M.: Qimmatli vaqtlarini ayamadan, tadqiqotimizni sinchiklab o'qib, o'z mulohazalarini bildirgan pedagogika fanlari doktori, professor Asqarova O'g'iloy Mamashakirovnaga cheksiz minnatdorchiligimni bildiraman. Taqrizda keltirilgan tavsiyalarni kelgusidagi monografik ishlarimizda inobatga olamiz.

RAIS: Rahmat. Hurmatli Ilmiy kengash a'zolari! Dissertatsiyaning rasmiy muhokama qismi tugadi.

Hurmatli kengash a'zolari norasmiy muhokama, ochiq muhokama jarayoniga o'tamiz endi. Dissertatsiya bo'yicha, avtoreferat, dissertant bo'yicha kimda, qanday fikr mulohazalar bor? Bu jarayonda kengash a'zolaridan tashqari mehmonlar ham ishtirok etishlari mumkin. Marhamat, pedagogika fanlari doktori, dotsent Rajabov Furkat Turakulovich.

p.f.d., dotsent RAJABOV F.T.: Hurmatli kengash a'zolari!

Haqiqatan dolzarb mavzuga bag'ishlangan dissertatsiya muhokamasining guvohi bo'lib turibmiz. O'zbekistonda iqtidorli bolalar ijodkorligini rivojlantirish, bu ayniqsa, so'nggi yillarda yangi O'zbekiston sharoitida Prezidentimizning diqqat markazida bo'lib turgan bir asosiy vazifalardan hisoblanadi. Iqtidorli bolalar ijodkorligini rivojlantirish bo'yicha bir qancha ixtisoslashtirilgan maktablarga katta ahamiyat berildi. Bu bolalarni turli xil sohalardan kelib chiqib, ijodkorligini rivojlantirishga har bir viloyat, tumanlari Prezidentimiz e'tiboridan chetda qolmayapti. Har bir chiqishlarida, ma'ruzalarida bu masalaga alohida e'tibor berib keladilar. Shu iqtidorli bolalar ijodkorligi haqida fikr yuritganda o'ylaymizki, oldin ustozlarimizdan ham eshitganmiz, har qaysi bolada iqtidor bo'ladi. Faqat uni aniqlab olish, rivojlantirish va boshqarish bu juda bir murakkab pedagogik jarayon bo'lganligi sababli, kimlarnikidir yuzaga chiqadi, kimlarnikidir kechroq yuzaga chiqadi yoki yuzaga chiqmasdan davom etishi mumkin. Shu jarayonning murakkabligini ham, ilmiy tadqiqotniny maqsadi sifatida asoslasak bo'ladi.

Raximov Minhajiddin Muhammadg'olib o'g'li shunday bir murakkab pedagogik masalaga qo'l urgan. O'ylaymizki, hozir ma'ruzalaridan, opponentlar fikrlaridan ko'rdik, maqsad yetarli darajasida bajarilgan, OAK talabi bo'yicha dissertatsiya, dissertatsiya avtoreferatini tayyorlaganlar. Qo'llab-quvvatlasak, O'zbekistonda mana shu sohada yana bitta yosh olim safimizga qo'shilgan bo'ladi. Barcha kengash a'zolarini qo'llab-quvvatlashlarini so'rayman.

RAIS: Rahmat. Yana fikr-mulohaza bildiradiganlar bormi? Marhamat, pedagogika fanlari doktori, professor Matchonov Sapa Murodovich.

p.f.d., prof. MATCHONOV S.M.: Ruxsat bersalaringiz, men o'zim ham biroz fikrimni bildirsam.

Tadqiqot mavzusi mening nazarimda, hozirgi davlat siyosatiga "labbay" deb berilgan bir javob deyman. Nima uchun? Shuning uchunki, hozirgi ijtimoiy jamiyatimiz taraqqiyoti, albatta, iqtidorli, ijodkor yoshlarga nihoyatda muhtoj. Xususan, bugungi dissertatsiyada aynan shu O'zbekistonda iqtidorli bolalar

ijodkorligini rivojlantirish muammosi bir nechta ijod maktablari misolida tadqiq qilinganligi bu pedagogika ilmidagi o'ziga xos bir yangi yo'nalish deb aytgim keladi. Agar biz mana shu tadqiqotchiga bu ishi uchun ovoz bersak, albatta, kelajakda yaxshi bir mutaxassisga ega bo'lamiz, deb o'ylayman.

RAIS: Rahmat. Yana fikr-mulohaza bildiradiganlar bormi? Yana so'zga chiquvchilar bormi? – (Ovozlar: yetarli).

Hurmatli kengash a'zolari! Agar yetarli bo'ladigan bo'lsa, ishimizni davom ettiramiz va navbatdagi bosqichga o'tamiz.

Ish va ilmiy seminar xulosalari, yetakchi tashkilot taqrizi, dissertatsiya va dissertatsiya avtoreferati bo'yicha kengashga kelib tushgan boshqa taqrizlar, rasmiy opponentlar va so'zga chiquvchilar xulosalarida Raximov Minhojiddin Muhammadg'olib o'g'liga pedagogika fanlari bo'yicha falsafa doktori (PhD) ilmiy darajasini berish taklifi tushdi.

Hisob komissiyasi tarkibi bo'yicha kimda qanday taklif bor? – (Kengash a'zolari: 3 kishidan iborat bo'lsin). 3 kishidan iborat komissiya tarkibi tasdiqlansin, degan taklif bo'lyapti.

Hisob komissiyasi tarkibiga quyidagi nomzodlar tavsiya qilinadi:

1. p.f.d., dotsent Rajabov Furkat Turakulovich
2. p.f.d., prof. Raxmanova Muqaddas Qaxramonovna
3. f.f.d., prof. Davlatova Adiba Raxmatovna

Hisob komissiyasiga nomzodlar bo'yicha qanday takliflar bo'ladi? Kengash a'zolari: tasdiqlansin. Kim ushbu tarkib bo'yicha hisob komissiyasi saylanishiga rozi bo'lsa, ovoz berishlarini so'rayman.

– Qarshilar? – Yo'q. – Betaraflar? – Yo'q. Qabul qilinadi.

Hisob komissiyasi a'zolari o'z ish faoliyatini boshlashi mumkin.

Yashirin ovoz berish uchun 5 daqiqalik tanaffus e'lon qilinadi.

(TANAFFUSDAN SO'NG)

RAIS: Hurmatli Ilmiy kengash a'zolari! Kengash majlisini davom ettiramiz.

Raximov Minhojiddin Muhammadg'olib o'g'lining dissertatsiya ishi yuzasidan berilgan onlayn va oflayn tarzda yashirin ovoz natijalarini e'lon qilish uchun so'z - saylangan hisob komissiyasi raisi pedagogika fanlari doktori, dotsent Rajabov Furkat Turakulovichga beriladi. Marhamat!.

p.f.d., dotsent RAJABOV F.T.: Chirchiq davlat pedagogika universiteti huzuridagi ilmiy darajalar beruvchi DSc.03/30.04.2021.Ped.82.01 raqamli ilmiy kengash majlisining

BAYONNOMASI

Chirchiq sh.

2026 yil 8-yanvar

Quyidagilar, Raximov Minhojiddin Muhammadg'olib o'g'lining 13.00.01 - Pedagogika nazariyasi. Pedagogik ta'limotlar tarixi ixtisosligi bo'yicha pedagogika

fanlari bo'yicha falsafa doktori (PhD) ilmiy darajasini olish uchun bajarilgan dissertatsiya ishining himoyasi yuzasidan – p.f.d., dotsent Rajabov F.T. - rais, p.f.d., prof. Raxmanova M.Q., f.f.d., prof. Davlatova A.R. - a'zolar sanoq komissiyasi a'zolari etib saylangan.

Komissiya **Raximov Minhojiddin Muhammadg'olib o'g'li** ning
(*Familiya, ismi, otasining ismi*)

13.00.01-Pedagogika nazariyasi. Pedagogik ta'limotlar tarixi ixtisosligi bo'yicha pedagogika fanlari bo'yicha falsafa doktori (PhD) ilmiy darajasini olishga qo'yilgan dissertatsiyasi yuzasidan onlayn tarzda yashirin berilgan ovozlarni sanash uchun saylangan.

Ilmiy kengash tarkibi **11** kishidan iborat etib tasdiqlangan.

Ilmiy darajalar beruvchi Ilmiy kengash tarkibiga hal qiluvchi ovoz huquqi bilan qo'shimcha ravishda kishi kiritilmagan.

Majlisda Ilmiy kengash a'zolaridan **10** kishi, shundan (5 nafari oflayn, 5 nafari onlayn) shu jumladan ko'rib chiqilayotgan dissertatsiya ixtisosligi bo'yicha **6** nafar fan doktori (DSc) ishtirok etdi.

10 ta bulletin (5 ta bulletin onlayn) tarqatildi.

1 ta bulletin tarqatilmay qoldi.

Qutichada **10 ta** bulletin borligi aniqlandi.

Onlayn ovoz berish natijalari:

Komissiya tomonidan **Raximov Minhojiddin Muhammadg'olib o'g'li** ga
(*Familiya, ismi, otasining ismi*)

13.00.01-Pedagogika nazariyasi. Pedagogik ta'limotlar tarixi ixtisosligi bo'yicha pedagogika fanlari bo'yicha falsafa doktori (PhD) ilmiy darajasini berish yuzasidan quyidagicha ovoz berildi:

Tarafdorlar - **10 ta (100%)**

Qarshilar - **yo'q.**

Yaroqsiz deb topilgan bulletinlar - **yo'q.**

Ovoz berilmagan bulletinlar – **yo'q.**

Hisob komissiyasi raisi: p.f.d., dotsent Rajabov F.T.

Komissiya a'zolari: p.f.d., prof. Raxmanova M.Q.
f.f.d., prof. Davlatova A.R.

Komissiya ushbu Bayonnomani tasdiqlab berishingizni so'raydi.

RAIS: Hurmatli ilmiy kengash a'zolari! Hisob komissiyasining mazkur bayonnomasini tasdiqlab berishingizni so'rayman.

- Qarshilar? - Yo'q. - Betaraflar? - Yo'q.

Bir ovozdan qabul qilinadi. Rahmat.

Yashirin ovoz berish natijasiga asosan (tarafdorlar –10 ta , qarshilar – yo'q, yaroqsiz bulletinlar – yo'q.) Raximov Minhojiddin Muhammadg'olib o'g'liga pedagogika fanlari bo'yicha falsafa doktori (PhD) ilmiy darajasining berilishi

masalasi tasdiqlanganligi bilan tabriklaymiz!

Hurmatli, Kengash a'zolari!

Mazkur dissertatsiya yuzasidan kengashimiz Xulosa loyihasi tayyorlangan va sizlarga tarqatilgan. Ushbu Xulosa loyihasi yuzasidan kimda qanday fikrlar bor? - (Kengash a'zolari: asos sifatida qabul qilinsin).

Kimda qanday qo'shimchalar bor? - (Xulosa loyihasi muhokama qilinadi). Muhokama vaqtida bildirilgan takliflar bilan Xulosa loyihasini to'lig'icha qabul qilsak bo'ladimi? - (Kengash a'zolari: ma'qul). Kim ushbu taklifga rozi bo'lsa, ovoz berishlarini so'rayman.

-Qarshilar? - Yo'q. - Betaraflar? - Yo'q. Bir ovozdan qabul qilindi.

Chirchiq davlat pedagogika universiteti huzuridagi ilmiy darajalar beruvchi DSc.03/30.04.2021.Ped.82.01 raqamli Ilmiy kengashning Raximov Minhojiddin Muhammadg'olib o'g'lining "O'zbekistonda iqtidorli bolalar ijodkorligini rivojlantirishning boshqarish texnologiyasi" mavzusidagi 13.00.01 – Pedagogika nazariyasi. Pedagogik ta'limotlar tarixi ixtisosligi pedagogika fanlari bo'yicha falsafa doktori (PhD) ilmiy darajasini olish uchun taqdim etilgan ilmiy ish bo'yicha

XULOSASI

1. Talabgorning eng muhim natijalari:

iqtidorli bolalar ijodkorligini rivojlantirishga qaratilgan ta'lim jarayonining pedagogik komponentlari, o'quvchining kompetentlik darajasini baholash va iqtidorini aniqlash indikatorlarini amaliyotga tatbiq etish mexanizmlarini kvalimetrik mezonlar orqali individual yondashuv, kreativ pedagogik strategiyalar va kompetensiyaviy talablarga moslashtirish asosida aniqlashtirilgan;

iqtidorli bolalar ijodkorligini rivojlantirishning innovatsion pedagogik modeli ta'lim turlarining o'zaro aloqador tarkibiy bo'limlarini gorizontaal va vertikal integratsiya va uzviylik tamoyillariga hamda kompetensiyaviy yondashuvga muvofiq bosqichma-bosqich rivojlantirish mexanizmini ilmiy-metodik asoslarga ko'ra kompleks tizimlashtirish asosida ishlab chiqilgan;

iqtidorli bolalar ijodkorligini rivojlantirishning ilmiy-pedagogik muammo sifatidagi nazariy asoslari ixtisoslashgan maktablarda ta'lim sifatini oshirishning muvofiqlilik, tizimlilik, barqarorlik, sinergetik moslashuvchanlikka asoslangan mobil harakatli tezkor aloqa mexanizmining evristik, induktiv-deduktiv va metodik komponentlarini innovatsion-modulli yondashuv asosida pedagogik loyihalash orqali takomillashtirilgan;

iqtidorli bolalar ijodkorligini rivojlantirishning amaliy mexanizmlari kontekstual-modulyar integratsiya, transvers kompetensiyalar sinergetik uyg'unligi va adaptiv-refleksiv boshqaruv tizimini innovatsion-pedagogik paradigmalariga hamda ilmiy-metodik talablarga muvofiq bosqichma-bosqich rivojlantirish

konsepsiyasini ishlab chiqiqsh asosida takomillashtirilgan.

2. Ilmiy va amaliy natijalarning ishonchliligi va yangiligiga berilgan baho:

ixtisoslashtirilgan maktablarda o'quv-tarbiya jarayonini iqtidorli bolalar ijodkorligini rivojlantirishning boshqarish texnologiyasi asosida takomillashtirish hamda ta'lim tizimi boshqaruv faoliyatida tegishli darajadagi zarur pedagogik komponentlarni ta'minlash masalalari "Ijod maktablarida pedagogik texnologiya, uning ta'riflari va kasbiy mahorat tushunchasi", nomli o'quv qo'llanmasi, "Iqtidorli o'quvchilar tarbiyasi va ijodkorligini rivojlantirish" mavzusidagi turkum ilmiy maqola va tezislarda yoritilgan;

ixtisoslashtirilgan maktablarda ta'lim sifatini oshirish ya'ni "ijod maktabi – iqtidor laboratoriyasi"ni takomillashtirish bo'yicha tavsiyalar ishlab chiqilgan;

iqtidorli bolalar ijodkorligini boshqarish va rivojlantirish modeli asosidagi kasbiy yo'naltirilgan namunaviy didaktik ta'minoti (o'quv qo'llanma, tavsiyalar) yaratilgan;

ixtisoslashtirilgan maktablarida ta'lim sifatini oshirish orqali tizimlararo manfaatdorlik asosida belgilangan ijtimoiy buyurtma hamkorlik dasturlari, zamonaviy texnologiyalari ishlab chiqilgan.

3. Dissertatsiyaning ilmiy va amaliy ahamiyati.

Tadqiqotning ilmiy ahamiyati ixtisoslashgan maktablarida ta'lim sifatini samaradorligini ta'minlovchi omillarning ilmiy-nazariy jihatdan tahlil qilinganligi, iqtidorli bolalarning hayotiy ko'nikmalarini rivojlantirish hamda samarali pedagogik-texnologik komponentlari aniqlashtirilganligi, sub'yekt-sub'yekt xarakteriga ega bo'lgan hamkorlikning tizimli-tashkiliy vazifalari hamda ijod maktablari ta'lim sifatini oshirishning zamonaviy texnologiyalari, tamoyillari amaliy tavsiyalar va sohaga taalluqli ilmiy - nazariy muammo bo'yicha boyitilgan dasturlar, loyihalar, tavsiya qilingan materiallar va "Pedagogik ta'limining innovatsion modeli" ishlab chiqilganligi bilan izohlanadi.

Tadqiqotning amaliy ahamiyati ixtisoslashtirilgan maktablarda ta'lim sifatini oshirish texnologiyalari asosidagi iqtidorli bolalar ijodkorligini rivojlantirishning amaliy mexanizmlari kontekstual-modulyar integratsiyasi, transvers kompetensiyalar sinergetik uyg'unligi va adaptiv-refleksiv boshqaruv tizimini innovatsion-pedagogik paradigmalarga hamda ilmiy-metodik talablarga muvofiq bosqichma-bosqich rivojlantirish konsepsiyasi asosida o'quv qo'llanmalar va pedagogik ta'limining innovatsion modeli yaratilganligi, tadqiqot natijalari asosida ishlab chiqilgan ilmiy-uslubiy taklif va tavsiyalardan o'quvchi iqtidorini aniqlash, rivojlantirish va shunga ko'ra to'g'ri kasbga yo'naltirish kabi materiallarini ishlab chiqilganligi bilan belgilanadi.

4. Dissertatsiya natijalaridan foydalanganligi to'g'risida ma'lumot va

foydalanish bo'yicha tavsiyalar:

ta'lim muassasalarida o'qitishning didaktik va metodik ta'minotini raqamli ta'lim muhiti talablariga muvofiq takomillashtirish bo'yicha olingan tadqiqot natijalari asosida:

iqtidorli bolalar ijodkorligini rivojlantirishga qaratilgan ta'lim jarayonining pedagogik komponentlari asosida o'quvchining kompetentlik darajasini baholash va iqtidorini aniqlash indikatorlarini amaliyotga tadbqiq etish mexanizmlari takomillashtirildi va kvalimetrik mezonlar orqali individual yondashuv, kreativ pedagogik strategiyalar, kompetensiyaviy talablarga moslashtirish asosida aniqlashtirilgan va milliy ta'lim standartlari talablarini integratsiyalash asosidagi ilmiy metodik taklif va tavsiyalardan PZ-2017927124 "Ta'lim muassasalarida hamkorlik asosida pedagogik faoliyatni rivojlantirish" mavzusidagi amaliy loyihani bajarishda foydalanilgan. Natijada ixtisoslashgan ta'lim muassasalarida o'quv jarayonlari sifati samaradorligini oshirishga erishilgan;

ta'lim turlarining o'zaro bog'liq tarkibiy bo'limlari iqtidorli bolalar ijodkorligini rivojlantirishning innovatsion pedagogik modeli ta'lim turlarining o'zaro aloqador tarkibiy bo'limlarini gorizontaal va vertikal integratsiya va uzviylik tamoyillariga hamda kompetensiyaviy yondashuvga muvofiq bosqichma-bosqich rivojlantirish mexanizmini ilmiy-metodik asoslarga ko'ra kompleks tizimlashtirish asosida ishlab chiqilgan taklif va tavsiyalardan O'zbekiston Respublikasi maktabgacha va maktab ta'limi vazirligi Qori Niyoziy nomidagi tarbiya pedagogikasi Milliy instituti Qoraqalpog'iston filialining A1-XT-092997-raqamli "Yoshlarni umuminsoniy, milliy va tarixiy qadriyatlar uyg'unligi asosida ma'naviy-axloqiy tarbiyalashning muammolari" mavzusidagi amaliy loyihani bajarishda foydalanilgan. (O'zbekiston Respublikasi maktabgacha va maktab ta'limi vazirligi Qori Niyoziy nomidagi tarbiya pedagogikasi Milliy instituti Qoraqalpog'iston filialining 2024 - yil 26 -dekabrdagi № 579-son ma'lumotnomasi). Natijada ta'lim muassasalari hamkorligini tashkil qilish hamda o'qituvchilarning kreativ kasbiy kompetentligi takomillashtirilgan;

iqtidorli bolalar ijodkorligini rivojlantirishning ilmiy-pedagogik muammo sifatidagi nazariy asoslari ixtisoslashgan maktablarda ta'lim sifatini oshirishning muvofiqlilik, tizimlilik, barqarorlik, sinergetik moslashuvchanlikka asoslangan mobil harakatli tezkor aloqa mexanizmining evristik, induktiv-deduktiv va metodik komponentlarini innovatsion-modulli yondashuv asosida pedagogik loyihalashga ustuvorlikni oshirishda foydalanilgan (O'zbekiston Respublikasi maktabgacha va maktab ta'limi vazirligi ixtisoslashgan maktablarda amaliyotga joriylanganligi haqidagi 2021 - yil 27 - dekabrdagi №189-sonli dalolatnomasi).

5. Dissertatsiyaning unga qo'yiladigan talablardan qay biriga mosligi:

Ilm-fan, texnika, ijtimoiy-siyosiy soha yoki iqtisodiyot tarmog'ining

rivojlanishiga salmoqli hissa qo'shgan takliflar ishlab chiqilgan. Dissertatsiya dolzarbligi, ilmiy yangiligi, amaliy ahamiyati va chop etilganlik darajasi bo'yicha O'z.R. OAKning pedagogika fanlari bo'yicha falsafa doktori (PhD) dissertatsiyalariga qo'yilgan talablariga to'liq javob beradi, uning muallifi Raximov Minhojiddin Muhammadg'olib o'g'liesa, 13.00.01 – Pedagogika nazariyasi. Pedagogik ta'limotlar tarixi ixtisosligidan pedagogika fanlari bo'yicha falsafa doktori (PhD) ilmiy darajasini olishga loyiq.

Dissertatsiyaning tasnifiy belgilarini bandma-band ko'rib chiqishga o'tamiz.

1. Dissertatsiya natijalarining xususiyatlari:

1.3. Ilm fan va texnika, ijtimoiy-siyosiy soha yoki iqtisodiyot tarmog'ining rivojlanishiga salmoqli hissa qoshadigan yechimlar ishlab chiqilgan.

2. Dissertatsiya natijalarining yangilik darajasi:

2.1. Natijalar yangi.

3. Dissertatsiya natijalarining qiymati:

3.2. Yuqori.

4. Dissertatsiya mavzusining rejadagi tadqiqotlar bilan aloqadorligi:

4.2. Mavzu tarmoq dasturiga, Fanlar Akademiyasining rejalariga, tarmoqlararo ilmiy-texnikaviy majmualar, tarmoqlararo davlat birlashmalari rejalariga yoki tashkilotning mavzular rejasiga kiradi.

5. Amaliy ahamiyatga molik dissertatsiya natijalaridan qay miqyosda foydalaniladi:

5.3. Tarmoq miqyosida.

6. Amaliy ahamiyatga molik dissertatsiya natijalaridan keng foydalanish yuzasidan tavsiyalar:

6.1. Keng foydalanishni talab qiladi.

Tasnifiy belgilar bo'yicha qanday takliflar bo'ladi? - (Ovozlar: tasdiqlansin). E'tirozlar bormi? - (yo'q). Kim ushbu taklifga rozi bo'lsa, ovoz berishlarini so'rayman.

- Qarshilar? - Yo'q. - Betaraflar? - Yo'q. Qabul qilindi.

**Chirchiq davlat pedagogika universiteti huzuridagi ilmiy darajalar beruvchi
DSc.03/30.04.2021.Ped.82.01 raqamli ilmiy kengash**

QARORI:

1. Chirchiq davlat pedagogika universiteti huzuridagi ilmiy darajalar beruvchi DSc.03/30.04.2021.Ped.82.01 raqamli ilmiy kengashda bugungi rasmiy himoya va ovoz berish natijalariga ko'ra Raximov Minhojiddin Muhammadg'olib o'g'liga 13.00.01-Pedagogika nazariyasi. Pedagogik ta'limotlar tarixi ixtisosligi bo'yicha "O'zbekistonda iqtidorli bolalar ijodkorligini rivojlantirishning boshqarish texnologiyasi" mavzusidagi dissertatsiyasi uchun pedagogika fanlari

bo'yicha falsafa doktori (PhD) ilmiy darajasi berilsin.

2. O'zbekiston Respublikasi Oliy ta'lim, fan va innovatsiyalar huzuridagi Oliy attestatsiya komissiyasidan kengash qarorini tasdiqlab berish so'ralsin.

Hurmatli Ilmiy kengash a'zolari, yig'ilish qatnashchilari!

Bugungi muvaffaqiyatli himoya bilan Raximov Minhojiddin Muhammadg'olib o'g'lini tabriklaymiz. Bundan keyingi ishlaringizda ham muvaffaqiyatlar tilaymiz. Mazkur tadqiqot ishini bo'yicha ilmiy rahbaringiz pedagogika fanlari doktori, professor Musurmanova Aynisa Musurmanovnani ham tabriklaymiz. Kelajakdagi ishlaringizda omad tilaymiz.

Yakunlovchi so'z dissertant Raximov Minhojiddin Muhammadg'olib o'g'liga beriladi. Marhamat.

RAXIMOV M.M.: (Minnatdorchilik so'zlari)

RAIS: Sizga ham rahmat. Hurmatli kengash a'zolari!

Mazkur himoyada ishtirok etgan barcha kengash a'zolariga minnatdorchilik bildiraman. Bugungi ilmiy kengashimiz kun tartibiga kiritilgan birinchi masala ko'rib chiqildi. Kengash ishini olib borish bo'yicha qanday taklif va mulohazalar bor? - (Kengash a'zolari: yaxshi.)

Majlisni YOPIQ deb e'lon qilaman. E'tiboringiz uchun rahmat!

ILMIY KENGASH RAHMANI

p.f.d., prof.



U.N.XODJAMKULOV

ILMIY KENGASH RAHMANI

p.f.d., dotsent

T.T.KAZIYEVA

TALABGOR:

M.M.RAXIMOV

Stenogrammani «ETERNAL STAR» XK

stenografisti yozib oldi

Chirchiq sh. 2026 yil 8-yanvar

M.O'.



G.X.GULYAMOVA